



Na osnovu člana 69. stav (2) točka e), člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14) i člana 3. stav (1) Odluke o proceduri stvaranja obaveza, broj P-177/08 od 28. marta 2008. godine i broj P-177/08-I od 15. aprila 2009. godine, predsjednik Ustavnog suda Bosne i Hercegovine, donosi

O D L U K U
o poništenju postupka javne nabavke

Član 1.

Poništava se postupak nabavke sitnog potrošnog kancelarijskog materijala za potrebe Ustavnog suda Bosne i Hercegovine, iz razloga što je cijena prispjele ponude znatno veća od osiguranih sredstava za predmetnu nabavku, a u skladu sa preporukom Komisije za nabavku.

Član 2.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak predmetne nabavke pokrenut je Odlukom o pokretanju postupka broj P3-121/16 od 3. marta 2016. godine. Javna nabavka je provedena putem konkurentskog zahtjeva za dostavu ponuda, Obavještenje o nabavci i tenderska dokumentacija objavljeni na Portalu javnih nabavki 26. aprila 2016. godine, broj 514-7-1-79-3-11/16. Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda jedan (1);
- Da je blagovremeno zaprimljena jedna (1) ponuda;
- Da je broj prihvatljivih ponuda jedan (1);
- Da je broj neprihvatljivih ponuda nula (0);

Komisija za nabavku je, nakon izvršenog pregleda prispjele ponude, nesumnjivo utvrdila da je ponudena cijena ponude znatno veća od osiguranih sredstava za predmetnu nabavku i predložila da se donese Odluka o poništenju postupka javne nabavke.

Ova odluka objavit će se na web stranici Suda www.ustavnisud.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba ugovornom organu, najkasnije u roku od 5 (pet) dana od dana prijema, na način definisan Zakonom o javnim nabavkama.

Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Broj P3-121/16-I
11. maj 2016. godine
Sarajevo

Predsjednik
Ustavnog suda Bosne i Hercegovine

Mirsad Čeman

Dostaviti:

1. Ponuđačima: 1.-
2. Finansijskom odjelu
3. Administrativnom odjelu/Arhivi

